

Bahan asal dari Arkib

Negara Malaysia

# PM harap peniaga India tambah dagang

**KUALA LUMPUR, Sela-**sa — Datuk Seri Dr. Mahathir Mohamad berharap para usahawan India akan dapat meningkatkan lagi penyertaan mereka dalam pembangunan ekonomi dan perdagangan di Malaysia bagi faedah bersama kedua-dua negara.

Dalam perutusan kepada Lembaga Pameran Perdagangan India sempena pameran perdagangan negeri itu yang akan diadakan di Cangkat Pavilion di sini pada 29 Oktober hingga 7 November ini, Perdana Menteri berkata:

"Malaysia dan India mempunyai hubungan yang bersejarah. Ahli-ahli perniagaan dan para usahawan India telah menyertai usaha pembangunan ekonomi dan perdagangan Malaysia sejak bertahun-tahun dahulu.

"Adalah menjadi harapan saya jika kerjasama ini dapat ditingkatkan lagi demi faedah bersama kedua-dua negara."

Sambil mengucapkan tahniah kepada lembaga itu atas usahanya mengadakan pameran tersebut, Perdana Menteri berkata, ia akan dapat memberi peluang kepada rakyat negara ini melihat barang-barang keluaran India di samping mengeratkan lagi kerjasama antara para usahawan kedua-dua negara.

Sementara itu, Perdana Menteri India, Puan Indira Gandhi dalam perutusan yang sama berkata hubungan antara negaranya dan Malaysia bermula sejak berkurun-kurun lalu.

Menurutnya, India dan Malaysia mengambil berbagai daya usaha ke arah mewujudkan kerjasama ekonomi yang erat sejak kedua-dua negara merdeka.

N  
N